

Resp. est fallacia *παρά τὸ συμβεβηκός*, quia illud quod *ex accidente* rei alicui inest, *pro re ipsa* sumitur. Distinguendum igitur est inter verum rei usum & ejus abusus. Argumentum loquitur saltem de *abusu*, qui prorsus *accidentarius* est, & verum usum excludit. Ergo homini Christiano divitias acquirere licitum est, siquidem ut omnis res à Deo, ita & honestæ divitiæ. Jam quodcunq; à Deo pendet, illud præsupponit bonitatem. At divitiæ à Deo pendent. E. sunt bonæ. Quod est bonum id decet Christianum Divitiæ sunt bonum. E. decent Christianum.

7. *Quicquid bellorum est causa, id pro malo pernicioso est habendum:*

*Doctrina Evangelii est causa bellorum:*

*E. est mala.*

Resp. *medius in majore per se, in minore per Accidens* usurpatur. Quod per se & suâ naturâ est causa bellorum, id malum est. Sed Evangelium non per se, sed per Accidens est causa bellorum. Accidit enim Evangelio, & per se inest impiis, qui se Evangelio malitiosâ pertinaciâ opponunt.

8. *Quic-*